



Pelegrino: Uhapšeni ostaju u pritvoru

Sud BiH produžio je za 60 dana pritvor Borisu Kordiću, Josipu Kvesiću, Vlatici Puljić i Luci Cobri, osumnjičenima za organizirani kriminal, zloupotrebu položaja ili ovlaštenja, primanje dara ili drugih oblika koristi, te iznudu. Oni su uhapšeni prije mjesec u akciji SIPA nazvanoj Pelegrino. Kordić i Kvesić su do hapšenja obavljali dužnosti šefa mostarskog Terenskog ureda Službe za poslove sa strancima BiH, odnosno inspektora. Kordić je osumnjičen da je ucjenjivao strance koji su držali hotele i motele u Međugorju, te da je od njih tražio i po nekoliko desetina hiljada maraka kako bi im omogućio prava na boravište i rad. Tužilaštvo je protiv osumnjičene četvorke, te pravnog lica Viamon, proširilo istragu na krivično djelo pranje novca i sklapanje štetnog ugovora. **A. B. Č.**